



Synfocity = 533

mail us at : mzsynfo@gmail.com; mizoramsynod@gmail.com - Phone - 2314648

23rd April, 2015

□ ATC Valedictory Service, 2015

April 21, 2015 (Thawhlejni) khan Aizawl Theological College chuan ATC Chapel, Durtlang-ah College atanga zir chhuakte thlahna leh Pathian hnena hlanna inkhawm 'Valedictory Service' an hman. Programme hi ATC Principal Rev. Dr. C. Lalhlira'n a kaihrui a, Synod Moderator Rev. Lalrinmawia'n thlahna thuchah a sawi.

ATC Valedictory Service-ah hian BD zir chhuak mi 30 leh M.Th. zir chhuak mi 25 zet thlah leh hlan an ni a, Subject hrang hranga titha ber lawmman chi hrang hrang sem a ni baw. BD zir chhuak mi 30 zingah hian Presbyterian Kohhran mi ni lo Kohhran Pawl dang atangin mi 5 an tel a, M.Th zir chhuak mi 25 zingah hian Kohhran Pawl dang mi 6 an tel baw.

Pathian thu zir chhuak thlahna inkhawm hi urhsun taka buatsaih a ni a, Rev. Dr. C. Lalhlira, Principal-in Pathian chibai buk tura sawmna hun a hman a, Rev. Dr. H. Vanlalruata'n Pathian sawmna hun a hman a, Rev. Dr. L.H. Rawsea'n Lawmthu sawina hun a kaihrui a, Rev. Laldintluanga'n Sual thuphachawi tawngtaina hun a hruai leh a, zirlai kal chhuk turte hmelhriattirna hun hman a nih hnuah Synod Moderator-in inthlahna thuchah a sawi. Principal-in Inhlanna hun a buatsaih a, Ramhlun North Pastor Bial Zaipawl an zai a, Rev. K. Lalchhuanawma'n kal chhuak turte tana tawngtaisakna a kaihrui a, Faculty lam, zirlai awm mek leh zirlai kalchhuak tur aiawhten inthlahna thuchah an sawi hnuah Upa H. Ronghaka, Synod Secretary (Jr.)-in lawmman chi hrang hrang a sem zui a, Synod Moderator Rev. Lalrinmawia'n Certificate a sem a, Rev. Vanlalrawna'n lawmthu sawina hun a hman a, Rev. Dr. Lalchungnunga, Theological Education Board member-in Malsawmnain hun a khar a ni. Zirlai kal chhuak turte thlah nan tlai lamah zanriah kilho nghal a ni.

ATC hi kum 1907-a din kha a ni a, kum 1964 atangin L.Th zirna hawn a ni a, kum 1971-ah B.Th course hawn a ni leh a, kum 1994 atangin B.D. zirna hawn a ni leh a. Kum 2002-ah M.Th zirna hawn niin kum 2013 atangin Doctorate zirna hawn a ni leh a. B.D., M.Th leh D.Th course-ahte hian tunah zirlai 156 zet an awm a ni. Thawktute hi mi 54 an ni a, teaching staff 26 leh a dang 28 an ni.

□ MTC Graduation Day, 2015

Nimin (April 22, 2015) khan Synod Conference Centre-a Pi Zaii Hall-ah Synod Missionary Training Centre chuan Graduation Day wawi 3-na a hman a, Bachelor of Missiology zir chhuak mi 14 thlah an ni.

He programme hi Rev. Dr. K. Lalrinkima, Principal, MTC-in a kaihrui a, Rev. Lalrintluanga, Dean of Academics-in zirlaite hmelhriattirna hun hman a Rev. Lalrinmawia, Synod Moderator-in thlahna thuchah a sawi.

Rev. Lazuithanga, Senior Executive Secretary-in Graduate tharte Certificate a hlan a, Rev. P.C. Pachhunga, Executive Secretary i/c Mission-in zirlai tithate hnenah Lawmman a sem leh a, Rev. Lalchhuanawma, Mission Board Secretary-in zirlaite chu inhlann tharna thutiam (Act of Commitment) a neihpui a, Rev. C. Lalsangliana, Board Member-in tawngtaisakna hun hman a Mizoram Synod Choir leh Synod Mission Choir te an zai baw.

Faculty, Student Body leh zir zo kal chhuakte atangin thu tawi ngaihthlak a ni a, Rev. B. Sangthanga, Synod Secretary Senior-in Malsawmna sawiin inkhawm a tin a ni. Tlaih inthlahna ruai an kilho nghal baw.

Zirlai titha fal chawimawina dawngtute chu:-

- | | | |
|--------------------------------------------------|---|--------------------------------------------------------------|
| 1) R. Dala Award | : | H. Lalfakawmi |
| 2) Rohmingthangi Award | : | H. Lalfakawmi |
| 3) Tirhkoh Chhingtei Award | : | C. Zaihnuana |
| 4) M. Suaka Award | : | C. Zaihnuana |
| 5) Tirhkoh Thangzawna Award | : | H. Lalfakawmi |
| 6) Lalbiakchhungi Award | : | H. Lalfakawmi |
| 7) Robuanga Award (Best Outgoing Student) | : | P.C. Lallawmawmi |
| 8) Proficiency Award | : | a) H. Lalfakawmi
b) C. Zaihnuana
c) Zosangliani Hauhna |

MTC hi kum 2010 atangin B. Miss zirna atana hlan kai a ni a, kum 2013-ah khan Senate of Serampore College hnuai lak luh niin India ramah Senate of Serampore College hnuai Bachelor of Missiology zirna hmasa ber a ni.

□ Bial Inkhawmpui

April 24 - 26, 2015 chung hian Presbyterian Kohhran chuan Pastor Bial tinah Bial Inkhawmpui an nei ang. April 24, 2015 (Zirtawp) zan hi Palai Lawmna & Report Inkhawm a ni ang a, April 25, 2015 (Inrinni) ah nilengin Rorel a ni ang a, April 26, 2015 (Pathianni) chawhnu inkhawmah Lalpa Zanriah Sakramen theh a ni ang a, zan inkhawmah Bial Chairman kalchhuak turten Valedictory Sermon an sawi ang. Pathian Biak Inkhawm hun hrang hrangah thupui sawi tura ruatten thuchah an sawi baw ang.

Bial Inkhawmpui hmanpui turin hetiang hian an kal ang :

- | | | |
|------------------|---|--------------------------|
| Khawruhlian Bial | : | Rev. Dr. R. Lalbiakmawia |
| Zamuang Bial | : | Rev. Laldailova |
| Bukupui Bial | : | Rev. R. Lalchangliana |
| Nisapui Bial | : | Rev. R. Vanlalnghaka |

□ PBS Farewell & Dedication Service wawi 33-na

Vawiin (April 23, 2015) chawhnu dar 1:00 hian Presbyterian Bible School (PBS) chuan Zosaphluia Building, Mission Vengah Farewell & Dedication Service wawi 33-na an hman ang.

Dedication Service programme hi Rev. P.C. Pachhunga, Executive Secretary-in kaihruiin hunserh a hman ang a, Rev. Vanlalzuatan inhmelhriattirna hun a hman ang a, PBS Principal Rev. Lalneihvuran report a pe ang.

Rev. J. Vanlalhnuna, PBS Board Member-in zirlaite hnenah Certificate a hlan ang a, Rev. Vansawma, PBS Board Member-in thuchah leh zirlaite hlanna hun a hman ang a, Upa Vanengmawia, Synod Statistician in zirlai ti thate hnenah lawmman a sem ang a, Award semna neih a ni baw ang. Zir chhuakte tana tawngtaisakna hun Upa C. Lalbiakthanga, PBS Board Member-in a hman ang a, thusawi tawi ngaihthlak a ni baw ang. NI. Lalremsiami (Nunu-i), Dam Veng a zai ang a, Rev. R. Lalsawtan lawmthu sawina hun a hman ang.

Contd...

☐ **Meitei Presbyterian Singlup Provisional Synod hawn a ni**

April 19, 2015 khan Moirang Mission Compound-ah Meitei Presbyterian Singlup (MPS) Provisional Synod hawnna inkhawm hman a ni a. Provisional Synod hi DC.Haia, PCI General Assembly Moderator-in a hawng. Hawwna inkhawm hi PCI Gen. Assembly hruaitute bakah Synod hrang hrang - Mizoram Synod, Manipur Synod, Zou Synod, Biateram Synod, CHT Synod, KJP Synod Minghi leh Ribhoi Synod aiawhten an hmanpui a, Tuithaphai Presbytery-in zaipawl nen an tawiawm bawk.

Provisional Synod hawnna inkhawmah hian MPS zaipawl bakah Zou Synod zaipawl, Tuithaphai Presbytery zaipawl leh Manipur Area Mizoram Synod zaipawl-te an zai. Mizoram Synod aiawhin Rev. P.C. Pachhunga, Executive Secretary, Rev. B. Sangthanga, Synod Secretary, Rev. Lalthankhuma leh Pu K. Ronghaka, SMB ten an hmanpui a; Manipur-a Missionary hna lo thawk tawh, Rev.Vanlalchhunga, Pu Vanlalbiaa leh Pu JH.Lalramnghaka-ten an hmanpui bawk.

Provisional Synod lawmpui nan Mizoram Synod hmingin cheng nuai khat hlan a ni a. Chumi bakah Moirang Mission Compound leh a chhunga assets awm ang ang, School, Hostel leh quarters te bakah Kwakeithel Mission Compound leh a chhunga assets awm te Provisional Synod kutah hlan a ni a. (Imphal Mission Compound chhunga an mite chhungkaw pathum la awm hi an lakchhuah veleh patta pawh an kuta hlan mai turin Rev.Laldawngliana, Moderator Elect, PCI Gen.Assembly kutah dah a ni.) Tin, hmun hrang hranga ram kan neih te, Biak In leh Quarters-te Tualchhung kohhran, a hmang mektuten tangkai taka an hman zui zel turin pek an ni a. (Original patta erawh Provisional Synod Office kuta hlan tura tih an ni). Ngangkha Lawai-a Mission thlanmual ram erawh chu patta Pu Zohminga O/A Imphal kutah dah a ni a, Provisional Synod mi leh Provisional Synod-a tel remchang ve talote pawhin an mamawh huna an hman theih vek tura ruahman a ni.

Provisional Synod hruaitute :

1. Moderator - Rev.Kh.Suraj Kumar
2. Secretary (Sr) - Rev.S.Nabakishore Singh
3. Secretary (Jr) - Rev.K.Nobo
4. Fin.Officer - Rev.Laldawngliana
Rev.L.Iboyama
5. Statistician - Upa L.Achaobi
6. Executive Secretary - Rev.L.Iboyama
7. Moderator Elect - Rev.O.Kumar

☐ **Synod-in chhawmdawlina pe**

Tun hnaia rial tlain in a tihchhiat avanga Synod-in chhawmdawlina a pek te :

Sn.	Khua	In tihchhiat zat	Chhawmdawlina pek zat
1.	Serchhip	15	Rs. 75,000/-
2.	Bungtlang	168	Rs. 7,44,000/-
3.	W.Bunghmun	26	Rs. 1,33,000/-
4.	Bunghmun North	45	Rs. 1,79,000/-
5.	Sateek	13	Rs. 48,000/-
6.	Maubuang	2	Rs. 11,000/-
7.	Lungsai	4	Rs. 21,000/-

☐ **Synod Bookroom**

Synod Bookroom chuan School hrang hranga an thil supply man te ngaihven turin thawkute kalna tur ruahmanna a siam a, April 27 & 28, 2015 hian Sesawng - Zohmun (Sakawrdai tlangdung)-ah T.Upa Lalnilena i/c Marketing a kal ang a, April 30 - 4 May, 2015 hian Tuipuiral tlangdung leh Farkawnah Pu Lalniliana, Manager a kal thung ang.

☐ **Social Front**

Synod Social Front Outreach Worker-te hna chak leh mumal zawka a kal theih nan Tuai leh Patil Survey neih chu zawh a ni ta a. Survey hi Tuai 30 leh Patil 30 te atanga neih a ni.

☐ **PYF 21st Biennial Conference**

May 1 - 3, 2015 chhung hian Presbyterian Youth Fellowship (PYF) Biennial Conference vawi 21-na, Khliehriat Presbyterian Church (KJP Synod Mihngi) an neih a ni dawn a, thupuih 'Youth, the aroma of Christ' (II Cor. 2:15) an hmang ang.

He PYF Biennial Conference-ah hian KTP aiawha palai turin Central KTP hruaitute, Mizoram Synod Choir leh Palai ruat sa nen an vaiin mi 100 vel kal tura beisei an ni.

☐ **Hruaina Eng FM Radio & TV Programme**

♦ **APRIL 24, 2015 (FM ZOAWI AIZAWL @ 7:30 P.M.)**

Solo : Vanlalhmimgawia - Nunna tuikhur, **Zaipawl** : Besy Choir - Ka hmangaih che Isu, **Thuchah** : John Lalhruaitluanga - Thianghlimna, **Solo** : Zoramchhani -Lalpa duhzawng, **Zaipawl** : Dawrpui Vengthar Bial Zaipawl - Thtak zet

♦ **APRIL 24, 2015 (FM LUNGLEI @ 7:30 P.M.)**

Solo : Vanlalhmimgawia - Nunna tuikhur, **Zaipawl** : Besy Choir - Ka hmangaih che Isu, **Thuchah** : John Lalhruaitluanga - Thianghlimna, **Solo** : Zoramchhani -Lalpa duhzawng, **Zaipawl** : Dawrpui Vengthar Bial Zaipawl - Thtak zet

♦ **APRIL 26, 2015 (Tv Programme) @ 3:00 p.m.) :**

Bihchianna : Mission Vengthlang Bial hlimna

☐ **Susamachar Prasaran Programme**

♦ **APRIL 26, 2015 (Pathianni) 5:00 pm. Hindi Gospel Programme (Susamachar Prasaran) :**

Group/Choir/Solo : Khatla Masihi Sangati - Ishu Tera Wada, **Group/Choir/Solo** : Chanmari West - Yesu Mere, **Sermon** : Rev. Laltharzuala - Sansar se Prem na karo, **Group/Choir/Solo** : Aizawl West Area Choir - Bharat Desh Mahan, **Group/Choir/Solo** : Bungkawn Vengthar - Siyon Desh

☐ **Moderator Programme**

April 23 - 27, 2015 chhung hian Karbi Synod Inkhawmpui, Umpanai-a palai turin Rev.Lalrinmawia, Synod Moderator leh Upa Lalliansawta, Mission Veng te an kal.